

**LIGJ**  
**Nr. 116/2020**

**PËR ADERIMIN E REPUBLIKËS SË SHQIPËRISË NË AMENDAMENTIN**  
**DOHA TË PROTOKOLLIT TË KIOTOS SË KONVENTËS KUADËR TË**  
**KOMBEVE TË BASHKUARA PËR NDRYSHIMET KLIMATIKE, ADERUAR ME**  
**LIGJIN NR. 9334, DATË 16.12.2004**

Në mbështetje të neneve 78, 83, pika 1, dhe 121, pika 1, të Kushtetutës, me propozimin e Këshillit të Ministrave,

**KUVENDI**  
**I REPUBLIKËS SË SHQIPËRISË**

**VENDOSI:**

**Neni 1**

Republika e Shqipërisë aderon në amendamentin Doha të protokollit të Kiotos së Konventës Kuadër të Kombeve të Bashkuara për ndryshimet klimatike, aderuar me ligjin nr. 9334, datë 16.12.2004, sipas tekstit që i bashkëlidhet këtij ligji.

**Neni 2**

Ky ligj hyn në fuqi 15 ditë pas botimit në Fletoren Zyrtare.

Miratuar në datën 17.9.2020.

**Shpallur me dekretin nr. 11737, datë 22.9.2020 të Presidentit të Republikës së Shqipërisë,**  
**Ilir Meta**

**AMENDAMENTI I DOHËS I PROTOKOLLIT TË KIOTOS**

**Neni 1: Amendamenti**

**A. Shtojca B e Protokollit të Kiotos**

Tabela e mëposhtme do të zëvendësojë tabelën e shtojcës B të protokollit:

| 1                        | 2                                                                                                             | 3                                                                                                             | 4                                    | 5                                                                                                                                | 6                                                                     |
|--------------------------|---------------------------------------------------------------------------------------------------------------|---------------------------------------------------------------------------------------------------------------|--------------------------------------|----------------------------------------------------------------------------------------------------------------------------------|-----------------------------------------------------------------------|
| <i>Pala</i>              | <i>Kufizimi i emetimit sasior ose angazhimit reduktues (2008-2012) (përqindja e vitit apo periudhës bazë)</i> | <i>Kufizimi i emetimit sasior ose angazhimit reduktues (2013-2020) (përqindja e vitit apo periudhës bazë)</i> | <i>Viti i referencës<sup>1</sup></i> | <i>Kufizimi i emetimit sasior ose angazhimit reduktues (2013-2020) (shprehur si përqindje e vitit të referencës)<sup>1</sup></i> | <i>Zotimet për uljen e gazit serë deri në vitin 2020)<sup>2</sup></i> |
| Australia                |                                                                                                               |                                                                                                               |                                      |                                                                                                                                  | -5 deri në -15%<br>ose -25% <sup>3</sup>                              |
|                          | 108                                                                                                           | 99.5                                                                                                          | 2000                                 | 98                                                                                                                               |                                                                       |
| Austria                  | 92                                                                                                            | 80 <sup>4</sup>                                                                                               |                                      | NZ                                                                                                                               |                                                                       |
| Bjellorusia <sup>5</sup> |                                                                                                               | 88                                                                                                            | 1990                                 | NZ                                                                                                                               | -8%                                                                   |
| Belgjika                 | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Bullgaria*               | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Kroacia*                 | 95                                                                                                            | 80 <sup>6</sup>                                                                                               | NZ                                   | NZ                                                                                                                               | -20%/-30%<br><sup>7</sup>                                             |
| Qipro                    |                                                                                                               | 80 <sup>4</sup>                                                                                               | NZ                                   | NZ                                                                                                                               |                                                                       |
| Republika Çeke*          | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Danimarka                | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Estonia*                 | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Bashkimi Evropian        | 92                                                                                                            | 80 <sup>4</sup>                                                                                               | 1990                                 | NZ                                                                                                                               | -20%/-30%<br><sup>7</sup>                                             |
| Finlanda                 | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Franca                   | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Gjermania                | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Greqia                   | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Hungaria*                | 94                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Islanda                  | 110                                                                                                           | 80 <sup>8</sup>                                                                                               | NZ                                   | NZ                                                                                                                               |                                                                       |
| Irlanda                  | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Italia                   | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Kazakistani*             |                                                                                                               | 95                                                                                                            | 1990                                 | 95                                                                                                                               | -7%                                                                   |
| Letonia*                 | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Lihtenshtejni            | 92                                                                                                            | 84                                                                                                            | 1990                                 |                                                                                                                                  | -20%/-30%<br><sup>9</sup>                                             |
|                          |                                                                                                               |                                                                                                               |                                      | 84                                                                                                                               |                                                                       |
| Lituanian*               | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Luksemburgu              | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Malta                    |                                                                                                               | 80 <sup>4</sup>                                                                                               | NZ                                   | NZ                                                                                                                               |                                                                       |
| Monako                   | 92                                                                                                            | 78                                                                                                            | 1990                                 | 78                                                                                                                               | -30%                                                                  |
| Holanda                  | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Norvegjia                | 101                                                                                                           | 84                                                                                                            | 1990                                 | 84                                                                                                                               | -30%deri në -40% <sup>10</sup>                                        |
| Polonia*                 | 94                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Portugalia               | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Rumania*                 | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Slovakia*                | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Slovenia*                | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Spanja                   | 92                                                                                                            | 80 <sup>4</sup>                                                                                               | NZ                                   | NZ                                                                                                                               |                                                                       |
| Suedia                   | 92                                                                                                            | 80 <sup>4</sup>                                                                                               | NZ                                   | NZ                                                                                                                               | -20% deri në                                                          |
| Zvicra                   | 92                                                                                                            | 84.2                                                                                                          | 1990                                 | NZ                                                                                                                               | -30% <sup>11</sup>                                                    |
| Ukraina*                 | 100                                                                                                           | 76 <sup>12</sup>                                                                                              | 1990                                 | NZ                                                                                                                               | -20%                                                                  |
| Mbretëria e Bashkuar     |                                                                                                               |                                                                                                               |                                      |                                                                                                                                  |                                                                       |

|                                                |                                                                                                                                        |                 |    |    |
|------------------------------------------------|----------------------------------------------------------------------------------------------------------------------------------------|-----------------|----|----|
| e Britanisë së Madhe<br>dhe Irlandës së Veriut | 92                                                                                                                                     | 80 <sup>4</sup> | NZ | NZ |
| <i>Pala</i>                                    | <i>Kufizimi i<br/>emetimit sasiar ose<br/>angazhimit<br/>reduktues (2008-<br/>2012) (përqindja<br/>e vitit apo<br/>periudhës bazë)</i> |                 |    |    |
| Kanada <sup>13</sup>                           | 94                                                                                                                                     |                 |    |    |
| Japonia <sup>14</sup>                          | 94                                                                                                                                     |                 |    |    |
| Zelanda e Re <sup>15</sup>                     | 100                                                                                                                                    |                 |    |    |
| Federata Ruse <sup>16*</sup>                   | 100                                                                                                                                    |                 |    |    |

*Shkurtim:* NZ=nuk zbatohet.

\* Shtetet që janë duke kaluar procesin e tranzicionit drejt ekonomisë së tregut.

Të gjitha shënimet në fund të faqes, përveç shënimeve 1, 2 dhe 5, janë siguruar përmes komunikimeve nga palët përkatëse.

1. Një vit referues mund të përdoret nga një Palë mbi një bazë opsionale për qëllimet e veta për të shprehur kufizimin e sasisë së emetimit të tij ose angazhimit e zvogëlimit (QELRC) si përqindje e emetimeve të atij viti, që nuk është detyrues ndërkombëtarisht sipas Protokollit të Kiotos, përveç renditjes së QELRC (-eve) të saj, në lidhje me vitin bazë në kolonat e dyta dhe të treta të kësaj table, të cilat janë ligjërish të detyrueshme në nivel ndërkombëtar.

2. Informacione të mëtejshme mbi këto zotime mund të gjenden në dokumentet FCCC/SB/2011/INF.1/Rev.1 dhe FCCC/KP/AWG/2012/MISC.1, Add.1 dhe Add.2.

3. QELRC i Australisë sipas periudhës së dytë të angazhimit të Protokollit të Kiotos është në përputhje me arritjen e objektivit të pakushtëzuar të Australisë për vitin 2020 prej 5 për qind nën nivelet e vitit 2000. Australia mban opsionin më vonë për të lëvizur lart brenda objektivit të saj për vitin 2020 nga 5 në 15, ose 25 për qind nën nivelet e vitit 2000, në varësi të kushteve të caktuara që janë përmbushur. Kjo referencë mban statusin e këtyre zotimeve të bëra sipas Marrëveshjeve të Kankun dhe nuk përbën një angazhim të ri ligjor detyrues sipas këtij Protokollit ose rregullave dhe mënyrave të tij të lidhura.

4. QELRC për Bashkimin Evropian dhe shtetet anëtare të tij për një periudhë të dytë angazhimi sipas Protokollit të Kiotos bazohen në të kuptuarit që këto do të përmbushen së bashku me Bashkimin Evropian dhe shtetet anëtare të tij, në përputhje me nenin 4 të Protokollit të Kiotos. QELRC nuk paragjykon njoftimin pasues nga Bashkimi Evropian dhe shtetet anëtare të tij të një marrëveshje për të përmbushur angazhimet e tyre së bashku në përputhje me dispozitat e Protokollit të Kiotos.

5. Shtuar në shtojcën B me një ndryshim të miratuar në bazë të vendimit 10/CMP.2. Ky amendim nuk ka hyrë ende në fuqi.

6. QELRC e Kroacisë për një periudhë të dytë të angazhimit sipas Protokollit të Kiotos bazohet në të kuptuarit se do ta përmbushë këtë QELRC së bashku me Bashkimin Evropian dhe shtetet anëtare të tij, në përputhje me nenin 4 të Protokollit të Kiotos. Si pasojë, pranimi i Kroacisë në Bashkimin Evropian nuk do të ndikojë në pjesëmarrjen e saj në një marrëveshje të tillë të përbashkët përmbushjeje, në përputhje me nenin 4 ose QELRC të saj.

7. Si pjesë e një marrëveshje globale dhe gjithëpërfshirëse për periudhën pas vitit 2012, Bashkimi Evropian përsërit ofertën e tij të kushtëzuar për të kaluar në një ulje prej 30 për qind deri në vitin 2020 në krahasim me nivelet e vitit 1990, me kusht që vendet e tjera të zhvilluara të

angazhohen për ulje të krahasueshme të emetimeve dhe vendet në zhvillim të kontribuojnë në mënyrë adekuate, sipas përgjegjësisë të tyre dhe aftësive përkatëse.

8. QELRC për Islandën për një periudhë të dytë të angazhimit sipas Protokollit të Kiotos bazohet në të kuptuarit se do ta përmbushë këtë QELRC së bashku me Bashkimin Evropian dhe shtetet anëtare të tij, në përputhje me nenin 4 të Protokollit të Kiotos.

9. QELRC e paraqitur në kolonën tre i referohet një objektiv ulje prej 20 për qind deri në vitin 2020 në krahasim me nivelet e vitit 1990. Lihtenshtejni do të konsideronte një synim më të lartë uljeje deri në 30 për qind deri në vitin 2020 në krahasim me nivelet e vitit 1990 nën kushtin që vendet e tjera të zhvilluara të angazhohen për ulje të krahasueshme të emetimeve dhe që vendet në zhvillim më të përparuara ekonomikisht të kontribuojnë në mënyrë të duhur në bazë të përgjegjësisë të tyre dhe aftësive përkatëse.

10. QELRC i Norvegjisë prej 84 është në përputhje me objektivin e tij të uljes së 30 për qind të emetimeve deri në vitin 2020, në krahasim me vitin 1990. Nëse mund të kontribuojë në një marrëveshje globale dhe gjithëpërfshirëse ku palët kryesore emetuese bien dakord për uljen e emetimeve në përputhje me objektivin 2°C, Norvegjia do të kalojë në një nivel prej 40 për qind ulje për vitin 2020 bazuar në nivelet e vitit 1990. Kjo referencë mban statusin e zotimit të bërë sipas Marrëveshjeve të Kankunit dhe nuk përbën një angazhim të ri ligjrisht detyrues sipas këtij Protokollit.

11. QELRC e paraqitur në kolonën e tretë të kësaj table i referohet një objektiv zvogëlues prej 20 për qind deri në vitin 2020 në krahasim me nivelet e vitit 1990. Zvicra do të konsideronte një objektiv ulje më të lartë deri në 30 për qind deri në vitin 2020 në krahasim me nivelet e vitit 1990 subjekt i angazhimeve të krahasueshme të uljes së emetimeve nga vendet e tjera të zhvilluara dhe kontributi i duhur nga vendet në zhvillim sipas përgjegjësisë dhe aftësive të tyre në përputhje me objektivin 2°C. Kjo referencë mban statusin e këtyre zotimeve të bëra sipas Marrëveshjeve të Kankunit dhe nuk përbën një angazhim të ri ligjor detyrues sipas këtij Protokollit ose rregullave dhe mënyrave të tij të lidhura.

12. Duhet të jetë bartës i plotë dhe nuk ka pranim të ndonjë anulimi ose kufizimi në përdorimin e kësaj prone sovrane të fituar në mënyrë të ligjshme.

13. Më 15 dhjetor 2011, Depozitari pranoi njoftimin me shkrim për tërheqjen e Kanadasë nga Protokollit i Kiotos. Ky veprim do të hyjë në fuqi për Kanadanë në 15 dhjetor 2012.

14. Në një komunikim të datës 10 dhjetor 2010, Japonia tregoi se nuk ka ndonjë qëllim të jetë nën detyrimin e periudhës së dytë të angazhimit të Protokollit të Kiotos pas vitit 2012.

15. Zelanda e Re mbetet Palë në Protokollin e Kiotos. Do të marrë një objektiv për uljen sasiore të emetimit të ekonomisë së gjerë sipas Konventës Kuadër të Kombeve të Bashkuara për Ndryshimet Klimatike për periudhën 2013 deri më 2020.

16. Në një komunikim të datës 8 dhjetor 2010 që u pranua nga sekretariati më 9 dhjetor 2010, Federata Ruse tregoi se nuk synon të marrë një angazhim për kufizimin dhe reduktimin e sasisë të emetimeve për periudhën e dytë të angazhimit.

## **B. Shtojca A e Protokollit të Kiotos**

Lista e mëposhtme zëvendëson listën nën titullin “Gazet serë” në shtojcën A të Protokollit:

### **Gazet serë**

Dioksidi i karbonit (CO<sub>2</sub>)

Metani (CH<sub>4</sub>)

Oksidi i azotit (N<sub>2</sub>O)

Hidrofluorokarbure (HFCs)

Perfluorokarbure (PFCs)

Heksafluoridi i squfurit (SF<sub>6</sub>)

Trifluoridi i azotit (NF<sub>3</sub>)<sup>1</sup>

### **C. Neni 3, paragrafi 1 bis**

Paragrafi vijues do të shtohet pas paragrafit 1 të nenit 3 të Protokollit:

1 bis. Palët e përfshira në shtojcën I individualisht ose bashkërisht do të sigurojnë që emetimet ekuivalente të agregateve antropogjenike të dyoksidit të karbonit të gazeve të serës të listuara në shtojcën A nuk do të kalojnë sasinë e tyre të caktuara, të llogaritura në përputhje me kufizimet sasiore të emetimeve dhe angazhimet e reduktimit të shënuara në kolonën e tretë të tabelës të përfshirë në shtojcën B dhe në përputhje me dispozitat e këtij neni, me qëllim zvogëlimin e emetimeve të përgjithshme të këtyre gazrave me të paktën 18 për qind nën nivelet e vitit 1990 në periudhën e angazhimit 2013–2020.

### **D. Neni 3, paragrafi 1 ter**

Paragrafi vijues do të shtohet pas paragrafit 1 bis të nenit 3 të Protokollit:

1 ter. Një Palë e përfshirë në shtojcën B mund të propozojë një rregullim për të ulur përqindjen e shënuar në kolonën e tretë të shtojcës B të kufizimit sasior të emetimit dhe angazhimit të reduktimit, të shënuar në kolonën e tretë të tabelës, të përfshirë në shtojcën B. Një propozim për një rregullim të tillë do t'i komunikohet Palëve nga sekretari të paktën tre muaj përpara mbledhjes së Konferencës së Palëve që shërben si takimi i Palëve të këtij Protokollit në të cilin propozohet për miratim.

### **E. Neni 3, paragrafi 1 quater**

Paragrafi vijues do të shtohet pas paragrafit 1 ter të nenit 3 të Protokollit:

1 quater. Një rregullim i propozuar nga një Palë e përfshirë në shtojcën I për të rritur ambicien e kufizimit sasior të emetimit dhe angazhimit të reduktimit në përputhje me nenin 3, paragrafi 1 ter, më lart do të konsiderohet i miratuar nga Konferenca e Palëve që shërben si mbledhja e Palëve të këtij Protokollit, përveç nëse më shumë se tre të katërtat e Palëve janë të pranishëm dhe janë objekt votimi për miratimin e tij. Rregullimi i miratuar do t'i komunikohet nga sekretari Depozituesit, i cili do t'ua shpërndajë atë të gjitha palëve, dhe do të hyjë në fuqi më 1 janar të vitit pas komunikimit nga Depozituesi. Rregullimet e tilla do të jenë detyruese për Palët.

### **F. Neni 3, paragrafi 7 bis**

Paragrafët e mëposhtëm do të shtohen pas paragrafit 7 të nenit 3 të Protokollit:

7 bis. Në periudhën e dytë të angazhimit për kufizimin dhe reduktimin sasior të emetimeve nga viti 2013 deri në vitin 2020, sasia e paracaktuar për secilën Palë të përfshirë në aneksin I duhet të jetë e barabartë me përqindjen përkatëse të shënuar në kolonën e tretë të tabelës të përfshirë në aneksin B të emetimeve ekuivalente të agregatëve antropogjenikë të dioksidit të karbonit të gazeve serrë të listuara në aneksin A në vitin 1990, ose me vitin apo periudhën bazë të përcaktuar në përputhje me paragrafin 5 më lart, shumëzuar me tetë. Këto palë të përfshira në aneksin I për të cilat ndryshimi i përdorimit të tokës dhe pyjet përbënte një burim neto të emetimit të gazeve serrës në vitin 1990, duhet të përfshijnë në vitin apo periudhën bazë të emetimeve të vitit 1990 emetimet ekuivalente të agregatëve antropogjenikë të dyoksidit të karbonit nga burimet minus heqjet nga derdhjet në vitin 1990 nga ndryshimi i përdorimit të tokës, me qëllim përlllogaritjen e sasisë së caktuar.

### **G. Neni 3, paragrafi 7 ter**

---

<sup>1</sup> Zbatohet vetëm nga fillimi i periudhës së dytë të angazhimit.

Paragrafi i mëposhtëm do të shtohet pas paragrafit 7 bis të nenit 3 të Protokollit:

7 ter. Çdo diferencë pozitive midis sasisë së paracaktuar të periudhës së dytë të angazhimit për një Palë të përfshirë në aneksin I dhe emëtimet mesatare vjetore për tre vitet e para të vazhdimit të periudhës së angazhimit shumëzuar me tetë duhet të transferohen në llogarinë e anulimit të asaj Pale.

**H. Neni 3, paragrafi 8**

Në paragrafin 8 të nenit 3 të Protokollit, fjalët:

përlllogaritje, përmendur në paragrafin 7 më sipër

do të zëvendësohen nga:

përlllogaritjet, përmendur në paragrafin 7 dhe 7 bis më sipër.

**I. Neni 3, paragrafi 8 bis**

Paragrafi i mëposhtëm do të shtohet pas paragrafit 8 të nenit 3 të Protokollit:

8.bis Çdo Palë e përfshirë në aneksin I mund të përdorë vitin 1995 ose 200 si vitin bazë për tri fluoridin e azotit me qëllim përlllogaritjen e përmendur në paragrafin 7 bis më sipër.

**J. Neni 3, paragrafi 12 bis dhe ter**

Paragrafët e mëposhtëm do të shtohen pas paragrafit 12 të nenit 3 të Protokollit:

12 bis. Çdo njësi e krijuar nga mekanizmat e bazuar në treg që do të themelohet në bazë të Konventës ose instrumenteve të saj mund të përdoret nga Palët e përfshira në aneksin I për t'i ndihmuar ato në arritjen e pajtueshmërisë në angazhimin për kufizimin dhe reduktimin sasiar të emëtimeve të tyre sipas nenit 3. Çdo njësi e tillë të cilën një Palë merr nga një Palë tjetër e Konventës, i shtohet sasisë së paracaktuar për Palën marrëse dhe zbritet nga sasia e njësive të mbajtura nga Pala transferuese.

12 ter. Konferenca e Palëve që shërben si takimi i Palëve të këtij Protokollit duhet të sigurojë që, kur njësitë nga aktivitetet e miratuara në bazë të mekanizmave të bazuara në treg, të përmendura në paragrafin 12 bis më sipër, përdoren nga Palët e përfshira në aneksin I t'i ndihmojnë ato në arritjen e pajtueshmërisë në angazhimin për kufizimin dhe reduktimin sasiar të emëtimeve të tyre sipas nenit 3, një pjesë e këtyre njësive përdoret për të mbuluar shpenzimet administrative, si dhe për të ndihmuar Palët e vendeve në zhvillim që janë veçanërisht të ndjeshme ndaj efekteve të dëmshme të ndryshimit të klimës për të përmbushur kostot e përshtatjes nëse këto njësi janë marrë në bazë të nenit 17.

**K. Neni 4, paragrafi 2**

Fjalët e mëposhtme do të shtohen në fund të fjalisë së parë të paragrafit 2 të nenit 4 të Protokollit:

, ose në datën e depozitimit të instrumenteve të tyre të pranimit të çdo ndryshimi në aneksin B, në përputhje me nenin 3, paragrafi 9

**L. Neni 4, paragrafi 3**

Në paragrafin 3 të nenit 4 të Protokollit, fjalët:

, paragrafi 7

do të zëvendësohen nga:

fjalët me të cilat ka lidhje.

**Neni 2: Hyrja në fuqi**

Ky ndryshim hyn në fuqi në përputhje me nenin 20 dhe 21 të Protokollit të Kiotos